



KOMUNIKADU DE-EMPREZA

Lansamentu Kampania Nasionál Literasia Finanseiru no Sensabilizasaun Produitu Poupansa Labarik “Hau-nia Futuru”

Loron Sesta-Feira, 5 Setembru 2025, Banco Central de Timor-Leste (BCTL) serbisu hamutuk Autoridade Munisípiu Ermera no Instituisaun Finanseiru sira iha Timor-Leste lansa kampania Nasionál Literasia Finanseira no Sensabilizasaun Produitu Poupansa Labarik “Hau-nia Futuru” iha Kampu Demokrasia, Gleno, Munisípiu Ermera.

Programa hahú ho joga amizade modalidade U40 entre ekipa BCTL no Autoridade Munisípiu Ermera kontinua ho konsertu múzika hodi anima comunidade Gleno iha loron 4 Setembru 2025 kalan.

Iha parte dader loron 5 Setembru 2025, abertura ofisiál ba atividade exposisaun produitu no servisu finanseira nian ne’ebé realiza husi Vise-Governadór BCTL Sr. Rafael Borges, kontinua ho apresentasaun no kuiz edukativu kona-ba Literasia Finanseira ba estudante Ensinu Bázik hosi BCTL rasik, Banku Komersiál sira, Kompania Fintech, Kompania Seguru, no Instituisaun Mikro Finansas sira.

Objetivu hosi seremónia ida-ne’e mak sensibiliza informasaun kona-ba literasia finanseiru oinsa halo planu ba sira ninia orsamentu familia, oinsa hahuú halo poupansa hosi sira ninia rendementu no halo protesau ba riku soin liu-hosi rai osan iha banku ou produitu seguru. Iha biban ne’e introduz mós pagamentu dijital sira neébé disponivel ona iha Timor-Leste hanesan Mosan, T-Pay, no Ti-oan. Parte integradu iha programe ne, lansa sensabilizasaun informasaun kona-ba produitu Poupansa ba Labarik hanaran Konta “Hau-nia Futuru”, dedikadu ba labarik idade tinan 0 too atinji 17.

Governadór Banku Sentráal Sr. Helder Lopes, iha intervensaun ba okaziaun ne’e hatoo katak, objetivu hosi programa neé oinsa atu eduka sidadaun ninia koñesementu ba area literasia finanseiru liu-hosi koperasaun ho entidade

relevante sira hanesan Ministériu Edukasaun. Alende neé, hatoó sensabilizasaun kona-ba konta Poupansa “Hau-nia Futuru” oinsa inan-aman sira hanorin rai osan iha banku sira hodinu’unéaoan sira bele uza osan sira neé bainhira atinji idade tinan 17 hodi hadia oan sira nia vida.

Prezidente Autoridade Munisípiu Ermera Sr. Jose Martino Dos Santos Soares hatoó katak sensabilizasaun produtu Poupansa Hau-nia Futuru” importante tebes hodi fó hanoin ba inan-aman sira hodi hahuú rai osan desde labarik sei kiik hodi bele tulun inan-aman sira bainhira ninia oan hakarak kontinua estudu ba universidade.

Reprezentante hosi Ministériu Edukasaun Sra. Cecilia Maria B Asis, nu’udar Diretora Administrasaun no Finansas, hatoó mensajen katak loron aban hahú ohin, tamba ne’e tenke investe iha edukasaun hodi prepara ann tamba labarik maka futuru ba família, comunidade no nasaun. Liu-hosi programa sensabilizasaun produtu Poupansa “Hau-nia Futuru” fo hanoin ba inan-aman sira rai osan ba oan sira nia futuru. Ho nuneé Ministra hatoó ba inan-aman no profesores ajuda hanorin oan sira oinsa loke konta poupansa neé iha banku komersial sira neébé existe ona iha Timor-Leste.

Reprezentante inan-aman, hatoó orgulhu ho programa neé tamba fó motivasaun diak tebes ba sira hodi rai osan ba sira nia oan nia futuru. Saleinta mós katak hanesan profesora promote sei habelar informasaun neé estudante sira atu bele rai osan hodi bele garantia ba sira nia futuru rasik

Tempu hanesan, representante hosi estudante espresa katak kontente tebés tanba foin dahuluk bele hasoru ho Banco Central deTimor-Leste neé hodi hetan informasaun kona-ba Poupansa Hau-nia Futuru” .

Programa neé hetan partisipasaun másimu hosi Autoridade Munisípiu Ermera, representante Ministériu Edukasaun, Embaixadór Indonézia, CCI-TL Munisípiu Ermera, Insituisaun Finanseiu sira hanesan Banku Komersiál Kompañia Seguru, Kompañia Fintech, no Kompañia Mikro Finansas, Estudantes Ensinu Bázik, Profesores, Joventude, no Inan-Aman sira.

[Remata]